

Broj: 02-14/3-2069/15  
Sarajevo, 07.01.2016. godine

Na člana 70. stav 4. i člana 69. stav 3. Zakona o javnim nabavkama ("Službeni glasnik BiH", broj: 39/14), a u vezi sa članom 11. Pravilnika o postupku direktnog sporazuma i o javnim nabavkama Federalnog ministarstva rada i socijalne politike br. 02-02/8-1501/15 od 16.06.2015. godine, federalni ministar rada i socijalne politike, **d o n o s i**

**ODLUKU**  
**o poništenju otvorenog postupka za nabavku robe u cilju opremanja prostora**  
**Ustanove iz djelatnosti socijalne zaštite Ljubuški za LOT 1**

I

Otvoreni postupak za nabavku robe u cilju opremanja prostora Ustanove iz djelatnosti socijalne zaštite – Ljubuški za LOT 1, za koji je na Portalu javnih nabavki objavljeno Obavještenje broj: 327-1-1-5-3-1/15 dana 01.10.2015. godine i sažetak Obavještenja o nabavci objavljen u „Službenom glasniku BiH“, br. 77/15 od 05.10.2015. godine, okončava se poništenjem, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke (član 69. stav 3. Zakona o javnim nabavkama).

II

Zadužuje se Sektor za pravne i kadrovske, ekonomsko-finansijske i opšte poslove da u roku od tri dana, a najkasnije u roku od sedam dana od dana donošenja ove Odluke istu dostavi svim ponuđačima koji su učestvovali u otvorenom postupku javne nabavke za LOT 1 i time ih ujedno obavijesti o okončanju postupka poništenjem.

III

Ova Odluka stupa na snagu danom donošenja.

**Obrazloženje**

Odlukom federalnog ministra rada i socijalne politike br. 02-14/3-2069/15 od 21.08.2015. godine, pokrenut je postupak javne nabavke robe u cilju opremanja prostora Ustanove iz djelatnosti socijalne zaštite-Ljubuški. Obavještenje o pokretanju postupka br. 327-1-1-5-3-1/15 je objavljeno na Portalu javnih nabavki dana 01.10.2015. godine, kao i u Službenom glasniku BiH br. 77/15 dana 05.10.2015. godine.

Komisija imenovana Rješenjem br. 02-14/3-2069/15 dana 24.08.2015. godine, pristupila je izradi tenderske dokumentacije, te objavi iste na Portalu javnih nabavki. Redovno su dostavljali pojašnjenja u vezi sa predmetom nabavke i tenderskom dokumentacijom svim potencijalnim ponuđačima.

Nakon provedenog otvorenog postupka javne nabavke, ugovorni organ je u zakonskom roku, donio Odluku o izboru najpovoljnijeg ponuđača i dodjeli ugovora u otvorenom postupku za nabavku robe u cilju opremanja Ustanove iz djelatnosti socijalne zaštite-Ljubuški za LOT 1, dana 01.12.2015. godine (br. 02-14/3-2069/15).

Dana 08.12.2015. godine zaprimljena je žalba od strane ponuđača SEDŽAN INGENERING d.o.o broj 08-12/15 u kojoj kao razloge podnošenja žalbe navode da ponuda izabranog ponuđača ne ispunjava kvalifikacione uslove, te da ista nije mogla biti proglašena prihvatljivom niti biti predmet vrednovanja po utvrđenim kriterijima.

Ugovorni organ je ocijenio da je žalba blagovremena, dopuštena i izjavljena od strane ovlaštene osobe, ali je neosnovana, te je u Zakonom propisanom roku žalba dostavljena Uredu za razmatranje žalbi BiH, sa izjašnjenjem ugovornog organa o istoj.

Obzirom da je budžetska, 2015. godina u kojoj su odobrena sredstva za predmetnu nabavku završena, a imajući u vidu da Ured za razmatranje žalbi BiH još uvijek nije donio rješenje ili zaključak po izjavljenoj žalbi ponuđača, razlozi su koji su izvan kontrole ugovornog organa i koje nije mogao predvidjeti u vrijeme pokretanja postupka javne nabavke, zbog čega je neophodno okončati navedeni postupak poništenjem.

Na osnovu svega navedenog, odlučeno je kao u dispozitivu.

**Pouka o pravnom lijeku:**

Svaki ponuđač koji smatra da je ugovorni organ u toku konkretnog postupka kod izbora napovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od deset (10) dana od dana zaprimanja odluke o poništenju. Žalba se podnosi Uredu za razmatranje žalbi BiH, putem ugovornog organa i na način propisan Zakonom.

**DOSTAVLJENO:**

- Ponuđačima
- Sektoru za pravne i kadrovske, ekonomsko-finansijske i opšte poslove
- a/a



MINISTAR

Vesko Drijača